

Lumes e ombries per la mendranzes del Trentin

L president de l'Autorità per la mendranzes linguistiches Dario Pallaoro à portà dant la relazion anuèla



L president de l'Autorità per la mendranzes Dario Pallaoro a la prezentazion de la relazion anuèla ensema con Luciana Rasom e Giada Nicolussi e l president de Consei de la Provinzia de Trent Bruno Dorigatti.

Mendranzes - Lumes e ombries te la relazion anuèla de l'Autorità per la mendranzes linguistiches de Trent prezentèda en jèbia ai 14 de jugn dal president Dario Pallaoro, da Giada Nicolussi e Luciana Rasom.

La pèrt te l'ombria l'è la mención, en ce domandèda da temp, de n pian economic-social per meter en segurezza la mendranzes più deboles, che l'è i mochegn e i cimbres; la pèrt te la lum l'è enveze i staif ch'èder legislatif che é doventà amò più fort con la lege regionèla, la norma de atuazion su la scola ladina e col debatit te la Consulta per la reforma del statut, olache l tem de la mendranzes l'è stat zentrèl. L'è chisc i argomenc maores de la relazion de l'Autorità per la defendura de la mendranzes, portèda dant dal president Pallaoro.

"La dificolte des les é – à dit Pallaoro – ma respet a outra mendranzes chiò

aon n bon model legislatif e finanzièl." N model che, descheche à desmostrà na enrescida fata da l'Istitut de statistica de la Provinzia, à permetù de mantegnir la coejion sozièla te la mendranzes, che vel dir n sens de partegnuda e n leam a sie lengaz e cultura. Vèsc inant n muie emportanc é stac fac tel ciamp de l'informazion, strategica per enjignèr i insegnanc ti lengaz de mendranza. Resultac che é rué en ce de gra ai finanziemenc de la Provinzia de Trent per l sostegn de l'ativitèdes a favor de la mendranzes, 750 mile euro, e chi de la Region che rua a 1 milion e 850 mile euro.

Pallaoro à recordà aboncont che la mendranzes é dò che sopesa la prescion de la globalizacion soraldut travers i neves mesi de comunicazion, ti social che é dò che fèsc doventèr più purec adertura i lengaz naziòni. En ce per chest la é emportanta la scola.

Se per i ladins – l'è recordà – l'ladin l'è stat metù ite tel dessegn del trilinguism, per mochegn e cimbres i problemes resta. Prum de dut chel de la continuità didatica dò la populères. L'è l'risech de la dispersion – à dit amò Pallaoro – i bec de Luserna dò la scoles populères a Lavarone no va inant col studie de sie lengaz, e en ce chi mochegn dò la populères a Vlaròtz/Fierozzo va inant a scola a Perjen. E tres problemes é en ce per la toponomastica e per la gestion sozièdes de comuns.

La doura del lengaz de mendranza te la publica amministrazion troa amò empedimenc en ce se, en particular l Comun general de Fascia, l'è dò che l fèsc de gregh vèsc inant. Sun n pont l'è seghità Pallaoro: l besegn de aer n sistem de valutazion de la efizenza de la politiches per la mendranzes. N sistem per controlèr e verificèr la doura de la ressorses aldò de plans e obietives chières. N esempiè pel ruèr dal model basch che à dat de bogn resultac. Ezelent e zentrèl, amò apede, l raport con l'Università de Trent, soraldut per chel che vèrda l pian de la formazion. Purampò, jan deretorn al scomenz, per salvèr la mendranzes ge vel prum de dut meter en condizion la mendranzes de restèr a viver sui territories. "Zenza n pian de svilup sozio-economic – l'è amò dit Pallaoro – cimbres e mochegn risia. Percheche se i joegn se n va la é fenida." N pian, l'è jontà apede, che ge é stat domanà a la Jonta ma che no l'è amò, percheche l president de la Jonta Ugo Rossi à fat a saer de voler inant fèr l pont di intervenc fac a favor de la mendranzes

ti ultimes dies egn. L president del Zenter documentazion cimbra Gianni Nicolussi Zaiga e Luigi Nicolussi Castellan à fat n apel a la politica percheche l pian economic-social dovente al più prest realtà. "La clas politica d'aldidanché – l'è dit Nicolussi Castellan – la é dò che la se moscia manco sensibola che chela di egn '90. Sion dò che speton chest pian da la vijita te Consei de Luserna del President Rossi stata del 2014, ma amò no l'è stat fat nia e la comunanza la é dò che la se desfanta: te paisc l'è restà 260 sentadins. Ti egn '70 eraane de 600".

L conseier e assessor regionèl a la mendranzes Giuseppe Detomas l'è recordà che chi tanche passé l'è stat egn emportanc soraldut dal pont de veduda normatif: l'aproazion de la lege regionèla à metù dant amò maor garanzies e l tem de la mendranzes l'è stat zentrèl tel debatit de la Consulta. La senatora Elena Testor à sotlineà l

besegn de ge dèr maor visibilità a la mendranzes en ce per smaorèr la sensibilità di medemi trentins te si confronc.

La conferenza, a chela che à tout pèrt en ce i conseieres Lorenzo Baratter del Patt e Walter Kaswalder del Gruppo Misto, la é stata avèta e serèda sù dal president del Consei Bruno Dorigatti che à recordà che l tem de la mendranzes, descheche l'è vegnù fora en ce da n sondaje fat acà pech temp su la percezion de l'autonomia da pèrt di trentins, vegn considrà a la basa de noscia specialità. I lurieres de la Consulta, l'è amò recordà, l'è stat na oportunità per fèr cognoscer la mendranzes che é states metudes al zenter del debatit su la reforma del statut. Resta i problemes sozio-economic de la mendranzes più deboles, ma, l'è recordà, n muie de outes la volontà de entervegnir é stata blochèda da empedimenc giuridics. (mci)



L publich te sala a la prezentazion de la relazion de l'Autorità per la mendranzes de la Provinzia de Trent.